



ЛЕЗГИ Газет

**Жуван Ватан, ватанэгълияр,
дидед ч'ал хуьх!**

1920 – йисалай акъатзава

N 28 (10777) хемис 13 – июль, 2017 – йис WWW.LEZGIGAZET.RU

Къимет “Дагпечатдин” киоскрай - 16 манат

К.С.АБАСОВАН гъакъиндай

Дагъустан Республикадин Къилин Указ

1. АБАСОВ Керимхан Саидагъмедович Дагъустан Республикадин хуьруьн майишатдин ва суьрсетдин министрвиле тайинарин.
2. И Указ адал къул ч'угур йикъалай къуватда гъатзава.

Дагъустан Республикадин Къил

Р.АБДУЛАТИПОВ

Махачкъала шегъер 2017-йисан 6-июль, №156.



К.С.АБАСОВ 1959-йисан 9-мартдиз Дагъустан Республикадин Докъузпара райондин Къаракуьре хуьре дидедиз хъана.

1977-1983-йисара ДГУ-дин экономический факультетда къелна ва анаг куьтгъна. 2008-йисуз Россиядин Президентдин патав гъай государстводин къуллугъдин Россиядин Академия акъалт'арна. Адахъ экономикадин илимрин кандидатвиле дережа ава.

1983-1986-йисара Дербент шегъердин “Электросигнал” заводдин производственный отделдин инженер-экономиствиле, ахпа 17-нумрадин цехдин начальниквиле, гуьгъуьнлай гъа и заводдин 1-нумрадин цехдин начальниквиле къвалахна.

1986-1988-йисара “Электросигнал” заводдин Ахцегърин филиалдин директор хъана. 1988-йисуз Къаракуьре хуьруьн “Октябрьдин 60 йис” совхоздин директорвиле хъана. 1995-йисалай Докъузпара района авай федеральный казначействодин отделенидин руководителвиле зегъмет ч'угуна. 2001-йисан апрелдилай Докъузпара райондин администрациядин къилиз хъана. 2005-йисалай 2017-йисан 6-июлдади “Докъузпара район” муниципальный тешкилатдин къил тир. 2017-йисан 6-июлдиз РД-дин хуьруьн майишатдин ва суьрсетдин министрвиле тайинарна.

Хизанда 3 велед ава.

Вилик месэляяр эцигна

10-июлдиз Дагъустандин Къил Рамазан Абдулатипова республикадин хуьруьн майишатдин ва суьрсетдин министрстводин коллективдихъ галаз цийи министр Керимхан Абасов танишарна.

Рамазан Абдулатипова къейдна хъи, санлай къачурла, виликан министрдилай, хъсан еришар хвена, производстводин дережа агъуз авуд тийиз алакьна. “Мусафенди Абдулмежидович намуслу, зегъметдал рик' алай ва жавабдар кас я. Амма адан командадиз и хиле майданар ва гележг акулач, цийи проектар теклифнач.

Чи илимдинни ахтармишунрин институт писди туш. Хуьруьн майишатдин академиядихъ еке мумкинвилер ава. Ибур вири ишлемишун, илимдихъ галаз алакьалу хъун лазим я.

Къвалахда авай куьлуь гъалатриз килиг тавуна, кхиле тухвай намуслу, михъи къвалахдай заз Мусафенди Велимурадоваз сагърай лугъуз къанзава. Ада къил куьур фикирар цийи министрди къилиз акъудун лазим я. Жуьреба-жуьре терефрай кар чидай эксперттар желб авуна къанда, федеральный ведомствойрихъ галазни сих алакьаяр хуьн лазим я. И карда цийи министрдииз Гукуматдин председателдин заместитель Билал Омарова куьмек гуда. Мусафенди Велимурадова лагъайт'а, Дагъустандин Къилин советникдин ерида аваз вири и кралал гуьзчивалда”, - къейдна Р.Абдулатипова.

М.Велимурадова Дагъустандин Къилиз ва санал беъгерлуьдакъа къвалахай коллективдиз сагърай лагъана, К.Абасова чпи башламишай крал уьмуьрдиз кечирмишун давамардайди, хиле къвалахдик вичин цийивилер кутадайди къейдна.

Вичин нубатдай яз, Дагъустандин Къили теклифнавай цийи министрди вичи цийи къуллугъдал вири жавабдарвал гъиссзавайди къейдна ва вилик эцигнавай вири месэляяр тамамардайдакъ умуд кутуна.

Керимхан Абасоваз яб гуналди, республикадин руководителди метлебдин федеральный вири программйра иштиракун таъминарун ва и хел вилик тухун патал федеральный бюджетдай такъатрин къадар артухарун тапшурмишна.

Идалайни гъейри, Рамазан Абдулатипова ведомстводин цийи руководителдиз мукъвал тир вад йисан вахтунда агалнавай чилел майваяр гъасилунин рекъяй Дагъустан сифтегъан 5-жадал, недай-хъвадай промышленностдин рекъемрай сифтегъан цудан жергеда, дигидай чилер кардик кутунай сифтегъан пудан арада хъун патал зегъмет ч'угуна къандайди лагъана. Республикадин Къили гъак'ни хуьруьн майишатдин 500 кооператив тешкилун чарасуз тирди ва малдарвилел гъалтайла Россиядин юкван рекъемрив агакъарун лазим тирди, ч'ехи базарар арадал гъун патал рикивай машгуьл хъана къандайди къейдна.

Махсус серенжем

Махачкъала шегъерда авай Россиядин ОГИБДД-дин пропагандадин инспектор, полициядин старший лейтенант Р.Д.Гафизова хабар гайивал, автобуса аваз тухузвай пассажирин хаталувал хуьн, гъак'ни юридический ксари ва къилдин карчийри законди истемизшавайвал рекъера, гъерека-тунин къайдайрал амал авун гуьзчивилик кутун патал Махачкъала шегъерда 2017-йисан 11 июлдилай 24-июлдади “Автобус - законсуздакъа пассажирар тухун” профилактикадин серенжем кхиле фида.

И серенжемдин сергъятра аваз Махачкъала шегъерда авай Россиядин ОГИБДД-дин УМВД-дин къуллугъчийри рекъера къайдаяр ч'урунин ва законсуздакъа пассажирар тухунин делилар винел акъудда ва абурун вилик пад къада.

Идалайни гъейри, абуру транспортдин технический гъал ва ихтияр гуьзвай документар, страховка ва рекъерин чарар (путевой лист) гвани-гвачни ахтармишда.



Къвалахдик йигинвал инвесторри кутазава Райондин АПК: авай гъал ва вилик финин рекъер

Алибег ОМАРОВ

Алай вахтунда чи гъар са райондин хуьруьн майишатда хъанвай са гъихътин ят'ани агалкъунрикай лугъуз жеда. Гъа са вахтунда виридаз ашара я: уьмуьрди абурун къадар артухарун истемизшава. И патяхъай Сулейман-Стальский района арадал къевезвай дегишвилер, шаксуз, виле акъадайбур, къадардизни артухбур я. Къенин юкъуз районэгълийривай квел разивал ийиз жеда? Абурун вилик гъихътин месэляяр акъвазнава? Мукъвал гележегда гъихътин нетижайрик умуд кутазава? Чи суьгъбет райондин хуьруьн майишатдин ва суьрсетдин управленидин руководител М.М.БАБАЕВАХЪ галаз я.

■ Мегъамедзагъид Мегъамедсади-къович, гад яц'а гъатнавай и арада суьгъбет чна квелай башламишн? Белки, - гъавайрилмай?

Цинин йисуз булдиз къвайи марфар чи майишатрин уьруьши вижеваз кужумна. Анжах марфар вахтунда къун хъсан я: гатфариз, гъаваяр чими жез эгеч'айла ва зулухъди, тумар цайидалай къулухъ - магъсулар цазвай чи чилер дигизвайбур туш. Гила марфари ара ганайт'а, хъсан тир - багъларизни, никеризни рагъ къанзава. Тебиатдин кралар, гъелбетда, чалай къаришмиш жез алакьдач, амма райондин аграрийри планламишнавай, чпелай аслу вири къвалахар лазим къайдада тамамарзава.

Чна гъар йисуз 60-90 гектарда цийи багълар, 150-200 гектарда ципиц'лугар кутазава. Гъавилай йисалай-суз абурун беъгер гузвай майданарни артух жезва. Амай хилерани эхиримжи йисара къвалахар гегъенш, гъасилзавай продукция т'имилгзаф, анжах артух жезва. Хуьруьн майишатдин вири хилер зарбдиз вилик физва лугъун тийин, амма вилик финин ериш дурумлуди, къвердавай артух йигинвал акатзавайди тирди ачухдиз аквазва.

■ Пешекарри къейдзавайвал, уьлкведин амай регионра хуьруьн майишатдин продукциядин лап ч'ехи пай ч'ехи карханайри гъасилзава. Чи республикадин къетпенвал: ина куьлуь майишатрин - хсуци (ЛПХ-рин), фермеррин (КФХ-рин) - къадар артух я, абурал гъасилзавай хуьруьн майишатдин вири продукциядин 90 процент гъалтазава...

- И шкилдин чешне яз Сулейман-Стальский район къалуриз жеда. Район-



дин агропромышленный комплекс хуьруьн майишатдин 33 карханади, фермеррин 154 ва хсуци 20716 майишатди тешкилзава.

■ Пешекарриз яб гайит'а, гъевчи майишатривай дурумлудакъа вилик фин патал чеб герек вири зат'аралди таъминариз алакьдач. Абурухъ бес къадарда такъатар авач, яни ЛПХ-рин бинедал маса гудай продукциядин производство арадал къведач, адаз ч'ехи карханаяр герек я...

- Ими гъуьжет алачир месэла я: маса гудай продукциядин производство халисандиз вилик тухузвайди ч'ехи карханаяр я. Гъеле са цуд йис вилик ахътинбур чи района авачир. Гила карханайрин - ООО-рин, СПК-рин ва масабурин - къадар къвердавай артух жезва. Ик', алаатай йисуз чи района инвестициярин мад къве ч'ехи проект тамамариз эгеч'на. “Паласа” ООО-ди 35 гектарда шпалеррин къайдадин интенсивный сифтегъан багъ кутуна. “Черееяр” ООО-ди шаз 38 гектарда цийи ципиц'лугар кутуна. Гила и карханадин ципиц'лугар 116 гектар къазва, Черееяр кутан хъийидай къурулуш арадал гъун патал мад 50 гектардин чил гъазурнава.

Хуьруьн майишатдин карханайрихъ галаз алакьалу важиблу са кар къейд авун герек я: артух мумкинвилер авай абуру райондин вири АПК вилик финин еришни йигинарзава. Ч'ехи карханадиз талуь къурулуш арадал гъунни герек я эхир, ам арадал атайла, адакай амайбуруни хийир къачузва.

Эхъ, гъавурда акъун четин туш: гъевчи майишатривай алай девирдин технологияр ишлемишиз жезвач. Абуру техникадалди,

▶ 5



ЯШАЙИШ

Педагогдин къвалах четинди, гъа са вахтунда гуьрметзавайди я, гъик' лагъайт'а, аялриз абуру неинки чирвал, гъак' риклин чимивал, къанивал гузва, абур лайихлу граждана яз тербияламишна къанзава.

▶ 8



СПОРТ

“Шарвили” эпосдин суварин сергъятра аваз Сулейман-Стальский района залан атлетикадай акъажунар кхиле фена... Мяркатдин макъсад алакьунар авай жегъилар хъягун, абуруз сагълам уьмуьр къанарун ва абур спортдин и жуьредал желбун тир.

▶ 12

Сессиядал тайинарна

Куругъли ФЕРЗАЛИЕВ

7-июлдиз Докъузпара райондин администрациядин заседанийрин залда райондин собранидин депутатрин 15-сессия киле фена. Сессиядин кивалахда цийиз тайинарнава РД-дин

ра райондин килин заместитель Абдурагъим Алискерова, депутатри, райондин тешкилатринни идарайрин жавабдар ксари ва масабуру иштиракна. Сессия райондин собранидин депутатрин председатель Агъмед Агъмедова ачухна ва килени тухвана.

июлдин 156-нумрадин Указдалди Докъузпара райондин кил Керимхан Саидагъмедович Абасов РД-дин хурун майишатдин ва недай суьрсетдин министрдин къуллугъдал тайинарнава.

Райондин активди, сессиядин вири иштиракчийри Керимхан Абасов чехи къуллугъдал тайинарунихъ галаз алакьалу яз тебрикдин гафар лагъана.

“Гъурметлу районгълияр, райондин актив! И йисара захъ галаз санал кивалахай вири ксариз, гъакни райондин гъар са агъалидиз сагърай лугъуза за. Район патал гележегдани алакьдай куьмекар гуда, чна санал кивалахда”, - лагъана РД-дин хурун майишатдин ва недай суьрсетдин министр Керимхан Абасова.

Докъузпара райондин кил Керимхан Абасов министрдин къуллугъдал тайинарунихъ галаз алакьалу яз, сессиядал райондин депутатри мад сеферда хъа хъийидай муниципальный райондин кил къуллугъдив эгечдалди, 2017-йисан 7-июлдилай “Докъузпара район” МР-дин килин везифаяр вахтуналди тамамардайдан къуллугъдал Абдурагъим Мирзежанович Алискеров рейсавдилелди тайинарна.



хурун майишатдин ва недай суьрсетдин министр Керимхан Абасова РД-дин Халкъдин Собранидин, бюджетдин, финансин ва налогрин рекъай комитетдин председатель Сейфулагъ Исакьова, “Ахцегъ район” МР-дин кил Осман Абдулкеримова, Дагъустандин Огни шегъерда кардик квай ПТУ-дин директор Акимхан Абасова, Докъузпара райондин прокурор Мисбагъ Назирова, Докъузпа-

Нубатдин сессиядал агъадихъ галай месэлайриз килигна:

1. “Докъузпара район” муниципальный райондин килин везифаяр вахтуналди тамамардайди хъагъунин гъакъиндай.

2. Жубреба-жубре месэлаяр.

Райондин собранидин депутатрин председатель А.Агъмедова малумарайвал, РД-дин Кил Рамазан Гъажимурадович Абдулатипован 2017-йисан 6-

Итальянвияр Дербентда



Къагъриман ИБРАГЪИМОВ

Дагъустандиз атанвай Виридушьядин къадим шегъеринни къелейрин ассоциациядин Италиядай тир делегация и йикъара Дербент шегъердиз мугъман хъана - хабар гана Дербент шегъердин администрациядин пресс-къуллугъди.

Абур мугъманвиллиз атун Москвада киле физвай Виридушьядин къадим шегъеринни къелейрин “Интурмаркет - 2017” международный туризмдин выставкадин ва РД-дин туризмдин халкъдин художественный сеняткарвилерин министрстводин - “Дербент - 2000” туризмдин центрадин ведомствойрик акатзавай идарайри кутуннавай икьардин сергъятра аваз киле фена.

Делегациядик квай Ассоци-

ациядин Президент Фабио Пигнателли, архитектор Андреа Грилетто, инженер Чезаре Скотони, архитектор Джорджиа Джентилини ва Дагъустандин Минтуризмдин векилар Дербент шегъердин кил Малик Баглиева, шегъердин депутатрин собранидин председатель Мавсум Рагъимова, шегъердин администрациядин килин заместитель Мегъти Алиева ва масабуру шад галара къаршиламишна ва итальянвийрин фикридиз алай вахтунда килиз акъудзавай шегъердин проектар гъана.

Мугъманри чеб эхиримжи сеферда Дербентдиз атайдалай инихъ шегъерда киле фенвай дегишвилер кьейдна.

Фабио Пигнателлиди чеб хушдиз къаблунай М. Баглиева сагърай лагъана ва давармарна: “Россиядин тарих Кавказдилай башламиш жезва, чна

Дербент СКФО-дин виридалайни гуьрчег шегъерикай сад яз гъисабзава. Италиядин гъукунатди авай гал чирунин, культурадин ирсинин объектар туькьур хъувунин (реставрация) карда куьмек гунин рабочий дестеяр тешкилунин тапшуругъ ганвай. Виридалайни четин кивалах, чи фикирдалди, шегъергълийрив чеб гъихтин девлетлу культурадин ирсагъибар ятла къиссиз тун я”.

Рахай муькуь мугъманрини чеб жуванбур хъиз къаблунай вири дербентвийриз сагърай лагъана ва абурин рикин ачухвал, мугъман кланивал кьейдна.

Дербентда хъайи йикъара мугъманар культурадин ирсинин объектар тир Нарын-къеледиз, шегъердин тарихдин магъалриз, Эрменийрин килисадиз ва муькуь музейрин комплексриз килигна.

Имам Шамилан 220 йис

Азадвал,

аслу туширвал патал



Махачкъалада Имам Шамилан 220 йисан юбилейдиз талукъ илимдин конференция киле фена. И мярекатда Дагъустан Республикадин Кил Рамазан Абдулатипова, министрствойринни ведомствойрин, районрин килери, дингълийри ва масабуру иштиракна.

тандин вири халкъ хъиз, Россиядин тарихда, Россиядин уьлкведа лайихлу чка тайинарунин есирда авай.

Региондин регъберди, Шамила киле тухвай яшайишдин реформайрикай рахадайла кьейд авурвал, ада виридан арада садвал тайинарна, садалай садал къевез



Конференциядин иштиракчийр тебрикайдалай къулухъ региондин Кили давармарна:

- Чна государстводин, общественный, политикадин деятелдин, машгур полководецдин, алимдин ва Кефердин Рагъакидай патан Кавказдин руьгдин регъбер Имам Шамилан юбилей кьейдзава. Ихътин машгур касдин юбилей - им неинки тарихдин вакъияяр рикел хун, гъак Кавказдин дяведин тарихдикай тарс хкудунни я. Имам Шамилан юбилей кьейдун - им чун фенвай рекъикай веревирдер ийидай, адаз къимет гудай, гележегда ихътин акъунар галачиз яшамешжедай, халкъарин арада ислъагвал ва гъурмет хуьдай мумкинвал я. Урусрини кавказвийри тарихдин чпин къисмет, умуми рехъ Кавказдин дагълара санал экъичай ивидалди хъяна ва ик чи Ватандин садвал тайин хъана. Ватандин и садвал чна асиррилай асирралди хуьва, мадни сихди ийизва. И садвилн нурлу лишан культурадинни тарихдин “Ахульго” комплекс, эбеди рикел хуьнин, сад тир къисметдин мемориал я. Кавказдин дяведилай къулухъ ам эцигнавай сад лагъай ва цли шад галара ачухай мемориал я.

XIX асир Шамилан асир, адан гъерекат лагъайтла, тарихдин метлеб авай вакъия я. Адан девирдин инсанри, гъа жигъетдай яз урусрин пачагъдин патарив гвай ксарини Шамил пак кас яз гъисабзавай.

Дагъустандин Кили уьлкведин садвал, Имам Шамил эбеди яз риклера хуьниз эвер гана.

Рамазан Абдулатипов тарихдин игитдин килих-хесетрални акъвазна.

- Тебиатдин патай зурба къуват, буй-бухах, хци къатлунар ганвай Имам Шамил чавай инкариз жедач. Адаз вичин халкъ, адан гал, месэлаяр, мурадар хъсандиз чидай. Дагъустанда накъшибандидин сад лагъай муьршид Ярагъ Мегъамед тир. Адан рехъ Жамалутдин Къазикумухскийди, Гимриви Къазимегъамеда, Шамила ва масабуру давармарна. И ксари чпин уьмуьр азадвиллиз, Ватандин аслу туширвиллиз бахшна. Кьейд авун лазим я, Имам Шамил Россиядихъ галаз сад хуьниз аксидаказ раханач. Ам, Дагъус-

хъайи ханаринни беглерин власть тергна ва дагъларин азадвал, Исламдин мишвал патал халкъ динсузриз акси женгиниз къарагъарна.

Даргодал вегъейла, Ахульго хуьдайла, Шамилан полководецвилн алакьунрикайни суьгъбетна.

Шамила истемешзавай: “Имансузрин винел гъалибвал къазанмишайла, яшлугур, дишегълияр рекъимир, я чуьллериз цаяр ямир, тарар атлумир, гъайванар тукъамир, ислъагвал тайинарайла, ам чурни ийимир”. Ихътинди тир Шамил - государстводин ва общественный деятель, зурба алим ва Кеферпатан Кавказдин руьгдин регъбер, лагъана республикадин Кили.

Эхирдай Р.Абдулатипова алава хъууна хъи, Кавказдин дяве фадлай куьтягъ хъанва. Къизгъин женгера урусрини дагъустанвийри дуствал ва стхавал къалурна. И дяве я дагъустанвийриз, я чеченвийриз, я черкесриз, я урусриз герек авайди тушир. Къе Дагъустан ва Россия са государство, са халкъ я, чунни сад тир уьлкведин агъалияр я...

Илимдин конференциядал РД-дин муфтийдин куьмекчи Мегъамед Мегъамедов, Махачкъаладин ва Грозныйдин Епископ Варлаам, РАН-дин ДНЦ-дин тарихдин, археологиядин ва этнографиядин институтдин директор Махач Мусаев, анин востоковеденидин отделдин заведующий Рамазан Абдулмажидов, Дагъосуниверситетдин профессор Агъмед Рамазанов, Дагъустандин исламдин университетдин тарихдин кафедрадин заведующий Мурадула Дадаев, Дагъустандин писателрин Союздин правленидин председател Мегъамед Агъмедов ва масабур рахана.

Мегъамед Мегъамедова кьейд авурвал, чи республикада ихътин мярекатар тешкилунихъ тербиядин метлеб ава. Ик чна чи веледриз бубайрин тарих чирзава.

Мярекатдин эхирдай Рамазан Абдулатипова Кавказдин дяведилай къулухъ, урусар атайла, чи республикада светский образование вилик фейидини, заводар, фабрикаяр, ракъун рекъер эцигиз башламишайдини кьейдна, чи Ватандин, руьгдин, садвал хуьниз, регъбер Владимир Путинан къваларив тупламиш хуьниз эвер гана.


Али Алиеван 48-турнир

АЗАДКАЗ КЪУРШАХАР КЪУН

Рагнеда РАМАЛДАНОВА

Алатай гьафтедин ял ядай йикъара Каспийскда, Али Алиеван тварунигъ галай Спортдин дворецда, азадказ къуршахар къунай СССР-дин 9 сеферда, Европадин ва дуьньядин 5 сеферда чемпион, Советрин Союздин спортдин лайихлу мастер А.Алиеван международный 48-турнир кыле фена. Алатнавай йисара и турнирдин сергытра аваз дуьньядин 40-далай виниз уьлквейрай, 4 континентай тир спортсменри гьасиррал чпин устадвал ва гьунарар къалурна. Чна виликамаз хабар гайивал, ци турнирда дуьньядин 10 уьлкведай тир 150-далай виниз “азад-буру” иштиракна.


Турнир ачухуниз талукарнавай шад мярекатдал Дагъустандин Гьукуматдин Председатель Абду-самад Гьамидов, адан Сад лагъай



квартирада, адаз памятник ачухнава. Ам дагъустанви спортсмендин гьурметдай республикадилай къеце хкажнавай сад лагъай мемориал я. Али Алиеван къаматдиз бахшна тухузвай, адетдиз элкьвенвай турнирди лагъайтла, чехи устадди

хан Жабраилова (86 кг), украинви Ален Засеева (125 кг) ва италияви Франк Чамизоди (70 кг) къазанмишна.

Къейд авун лазим я хьи, турнирдин къвед лагъай юкъуз 70 кг-дин заланвал авайбурун-Олимпиададин къугъунрин буьруьнждин призёр, дуьньядин чемпион, Европададин къве сеферда чемпион Франк Чамизодин ва Европадаини дуьньядин чемпион Мегьамедрасул Гьазимегьамедован арада кыле фейи бягьс виридалайни къызгъинди ва итижлуди хьана. Мадни лагъайтла, италиявиди вич гьасирдал тухузвай саягъди акъажуниз тамашиз атанвайбуру гьейранарна. Кубадай тир спортсменди фадлай Италиядин хьянавай командадик кваз вичин устадвал къалурзава. А.Алиеван турнир башламишдалди пуд гьафте амаз ам Дагъустандиз атана, меркезда Гь.Гьамидован тварунигъ галай спортзалдай экъечинач. Акъажуниз финалда “гьурьушмиш жедалди» абуру гьар сада 3 бягьс тухванвай, ярумчух финал квазиз,



заместитель Анатолий Къарибов, Дагъустандин виликан президент Муху Алиев, Гуниб райондин квил Агьмед Мегьамедов ва маса ксар рахана. Абуру, къилди къачуртла, А.Гьамидова къейд авурвал, Али Алиеван турнир спортдин и жуьредай гьамиша кесерлуди яз гьисабзава, и акъажунра чпин къуватар ахтармишиз дуьньядин цидралди уьлквейрай гьар йисуз Дагъустандиз спортсменар къвезва.

- Чна, чи нубатдай яз, турнир-диз спортсменар мадни еке итиж аваз атуна патал алахъунар ийида. Гуьгъуьнин йисуз лагъайтла, чна алава инвесторар жагъуруналди гьалибчийрин премияр артухарун пландик кутунва. Чна фикрзавайвал, и карди са гьихътин ятлани дережада турнирдин иштиракчийрин сергытар артухаруналди ана чпин устадвал къалурзавайбурун къадар, спортсменри адаз ийизвай итиж мадни хкаждай мумкинвал гуда, - алава хъуьуна ада.

А.Къарибова турнирдин иштиракчийр тебрикунигъ галаз сад хьиз, Али Алиеван твар Дагъустандин спортдин яржуниз элкьвенвайди къейдна.

-Али Алиев дагъустанвийрикай сад лагъай кас тир чи спортсменриз международный майданра чпин гьунарар къалурдай рехъ ачухай. Ада дагъустанви спортсменригъ устадвал авайди неинки са республикада ва СССР-да, гьакл адалай къецени тестикулярна. Азадказ къуршахар къун вилик тухунай адан лайихлувилер кваз къунин лишан яз Швейцарияда, ФИЛА-дин штаб-



вири дуьньяда азадказ къуршахар къунин спорт вилик тухунин кардик вичин пай кутун давамарзавайди субутзава. Турнирдигъ еке тарих ава, ам ФИЛА-дин календарда спортдин кесерлу акъажунрикай сад я, - къейдна Анатолий Къарибова.

Шад мярекатдилай къулухъ и юкъуз бягьсер давам хъхъана. Дагъустанвияр тир Абакар Абасгьажиев (65 кг) ва Мегьамед Хизриев (74 кг), Азербайжандай тир Магьир Амирасланов (57 кг) ва Асланбег Алборов (97 кг) къизилдин медалриз лайихлу хьана. Гуьгъуьнин юкъуз турнирдин чемпион-вилиг тварар дагъустанвияр тир Беххан Гойгереевани (61 кг) Али-

ина Франк Чамизоди Аланиядай тир Заурбег Сидакьовагъ галаз къуватар алцумнай. И бягьс башламишай са тлимил вахтунулай 3.Сидакьоваз тларвал хьун себеб яз, ам духтурри гьасиррилай хутахна.

Гьа ик, вири санлай къизилдин 4 медаль къазанмишуналди, Дагъустандин хьянавай команди официальной тушир зачетда 1-чка къуна. Турнирдин гьалибчийриз ва призёрриз Дагъустандин мастерри гьили гьазурнавай медалрилай гьейри, талукъ тирвал, 150, 100 ва 50 агъзур манат пулни гана. Гьалиб хьайи спортсменрин гьар са тренерни 50 агъзур манат гуналди къейдна.

Шарвилидин суварин сергытра аваз

Лезги халкъдин къагьриманвилигъ “Шарвили” эпосдин суварин сергытра аваз Сулейман-Стальский районда залан атлетикадай акъажунар кыле фена. Райондин администрациядин спортдин, туризмдин ва жегьилрин крарин рекъай комитетди тешкилай спортдин и мярекатдин макьсад алакьунар авай жегьилар хьягъун, абуруз сагьлам уьмуьр кланарун ва абур спортдин и жуьредал желбун тир. Акъажунрин сергытра аваз пагьливанри, чпин заланвилигъ категоририз килигна, штангаяр, путар хкажна.



65 кг заланвал авайбурун арада 1-чка Абилверс Алискерова, 2-чка Аюб Абдулкеримова, 3-чка Марат Юзбегова, 75 кг заланбурун арада 1-чка Паша Къафарова, 2-чка Рашид Ферзалиева, 3-чка Гьажи Гьажибутаева къазанмишна. Абуруз медалар ва грамотаяр гана.

Ахцегъа акъажунар

Мукьвара футболдин “Ахцагъ” клубдин стадиондал 2000-2001-йисара дидедиз хьянвай жаванрин арада мини-футболдай “Спорт наркотикризни терроризмдиз акси я!”, “Ахцегърин жегьилар сагьлам уьмуьрдин терефдарар я” лишанрик кваз акъажунар кыле фена.

Къугъунар башламишдалди вилик Ахцегъ райондин администрациядин футболдин клубдин, спортдин, жегьилрин ва туризмдин отделдин кар алай пешекар Н.Исмаиловади, акъажунрин килин судья А.Жалилова ва судья А.Мирзоева жегьилригъ элкьвена руьгь кутадай келимаяр лагъана ва ихътин мярекатра жезмай къван гзаф командайри иштиракуниз эверна.

1-чка къур Луткунрин, 2-чкадиз лайихлу хьайи Ахцегърин, 3-чка къур Хуьруьгрин жегьилрин командайриз медалар, кубок ва грамотаяр гана.



Дагъустанвияр - Белгородда

Тхэквондодай Россиядин кьенкьвечивал патал Белгородда кыле фейи акъажунра Дагъустандай фейи пуд пагьливанди медалар къазанмишна.



Шамил Исаева - 41 кг, Ханмегьамед Рамазанова 53 кг заланбурун арада къизилдин медалар къачуна. Арсен Къурбанован ва Азиз Мегьамедован гьилик чирвилер къачузвай жаванри 21-25-августдиз Шарм-эль-Шейхда кыле фидай дуьньядин кьенкьвечивилин акъажунра иштиракдайвал я.

Расул Юсупгьажиева 45 кг заланбурун арада 3-чка къуна.

